

Årsmelding VRK 2020



Styret i 2020 bestod av:

Leiar: Edle Holmin

Nestleiar: Liv Jorunn Nyhagen

Kasserer: Linn Wangen Mork

Sekretær: Karin Hurlen Vatnehol

Styremedlem: Helen Rossetvik

Varamedlem: Rigmor Hoggen

Ungdomsrepresentant: Anna Marie Wangen Mork

Det vart gjennomført åtte styremøter i løpet av 2020. I tillegg har vi hatt aktivitetsgruppe og sponsorgruppe.

Aktivitetsgruppa

- Liv Jorunn Nyhagen
- Sunniva Bøkestad (fram til hausten)
- Toril Hjelle
- Ida Sofie Malo
- Tine Brungot
- Frida Hoksnes
- Elisabeth Busengdal

Sponsorgruppe

- Live Sætre
- Arnfinn Mork

Treningar og stemne



Vi har hatt 2 kjøre- og ridekurs for Gunnar Bruland, feltsrittkurs med Julianne Devold og treningshelg for Silvia Førde, Vilde Langvandsbråten og Maria Hagen. Vi har også hatt klubbtreningar for Anja Kirkteig, Liv Jorunn Nyhagen, Ida Kristine Eikrem og Matilde Brogge.

I løpet av 2020 har vi også hatt programriding i dressur og 2 klubbstemner i sprang. Klubben sine medlemmar har representert VRK på stemner fleire stader, sjølv om stemnesesongen vart noko amputert på grunn av korona.



Dressurstemne på Sula i februar: Anna, Ida, Hanne/Linus og Frida/Endrar.

Dressurstemne i Florø i mars og oktober: Liv Jorunn/Trym

Dressurstemne i Fræna i september: Liv Jorunn/Pokemann.

Dressurstemne i Molde (KM): Liv Jorunn/Pokemann



Meisterskapsresultat

KM dressur - Liv Jorunn/Pokemann kom på 5.-plass i KM senior etter eit år med oppatrening etter skade.

Rekruttering



Rideklubben hadde 120 medlemmar i 2020, noko som er ny rekord! 57 av medlemmane var under 16 år. 19 personar betalte baneleige i 2020. På grunn av korona har det vore begrensa kva aktivitet vi kunne ha for dei yngste. Vi arrangerte juniorrideleir støtta av Magne Haugens minnefond på sommaren, for dei eldste juniorane, og ein juniorridetur på hausten for

dei yngste juniorane.

Ridehall



2020 er eit merkeår for Volda rideklubb. I desember stod ridehallen ferdig og like før jul kunne vi begynne å bruke hallen. I januar fekk vi dispensasjon frå detaljregulering og i mai fekk vi kommunal garanti. Vi starta byggeprosessen i juni med grunnarbeidet som Humberst Maskin utførte. Så var det betongarbeid frå Volda Bygg før Fjøsssystemer

leverte og sette opp hallen. Til slutt hadde vi dugnad på vartet før vi kunne ha inn toppdekke frå Holen Sand og Grustak. Det vart ein flott ridehall med innvendige mål på 20x65 meter med isolert tak. Det som står att no er å byggje varmerom i enden av hallen. Til jul vart det bakt 2 peparkakehus av ridehallen til den årlege peparkakelandsbyen. Det var veldig stas med så fine illustrasjonar.



Dugnad

Vi har hatt ein del dugnader i forbindelse med ridehallen. I sommar fekk vi tatt ned



gjerdet på eine langsida og flytta brakka og kiosken sidan hallen skulle plasserast parallellt med bana. Når hallen var ferdig fekk vi på dugnad satt opp vant i ridehallen. Det var veldig kjekt at så mange møtte opp på dugnad for oppsett av vant. Vi fekk satt opp to langsider og ei kortside på sju dagar. Vi har også fått satt opp igjen ridebanegjerdet, og det har vore lagt ned ein del

dugnadsarbeid med å få botnen i hallen bra. Vi har også hatt forskjellige salgsdugnader i 2020 med 2 kakesalg, salg av tennbrikettar og saft og sylte.

Sponsorar

I 2020 signerte klubben kontrakt med vår første hovudsponsor, nemleg Sparebanken Møre. Vi har ein avtale på tre år, og fekk i tillegg kr 100 000 til ridehallen. Vi har også fått skiltavtale med Mulvik AS. Vi håper på fleire skiltavtaler i 2021 og støtte på andre måtar frå næringslivet. Vi har også hatt salg av rosettar til kr 1000. Vi har selt heile 112 rosettar til private i tillegg til kr 31 182 på to spleisar. Dette viser eit stort engasjement for ridehallen. Vi har også selt fem rosettar til Globalskolen, to rosettar til Aarflots prenteverk, ein rosett til Optikk Volda og ein rosett til Øye Maskin. Sparebank 1 har også støtta oss med kr 100 000 til ridehallen i tillegg til støtte til rail-delar og baneavskillarar. Sidan vi måtte avlyse mykje arrangement i 2020 pga korona, søkte vi og fekk støtte til tapte inntekter med Sparebanken Vest på kr 60 000. Vi fekk også støtte til nye hjelmar og tryggleiksvestar med Gjensidigestiftelsen til verdi av kr 25 000.

Elles har vi fått sponsorstøtte frå Mesterhus til logo på nettsida og skilt, logo på nettsida av Volda Maskin. Vi fekk støtte til baneavskillarar med Kulturmidlane til Volda kommune på kr 23 400. Eiksenteret støttar oss med 15% rabatt på hesteutstyr så lenge dei sel utstyr til hest.

Satsingsklubb



I mars vart vi godkjent som Satsingsklubb via NRYF, som fungerer som eit stjernesystem. Det viser at vi driv klubben på ein riktig måte både når det gjeld økonomi og korleis vi tek vare på våre medlemmar. Vi fekk også ein fire siders artikkel i Hestesport om rideklubben.